

Tillaga skóla- og frístundaráðsfulltrúa Samfylkingarinnar, Viðreisnar, Pírata og Vinstri grænna um starfshóp um framtíðarstarf skóla- og frístundastarfs í Hlíðaskóla, Háteigsskóla, Austurbæjarskóla og Vörðuskóla

Lagt er til að samþykkt verði að setja af stað starfshóp sem hefur það hlutverk að rýna stöðuna í skólahverfum Hlíðaskóla, Háteigsskóla og Austurbæjarskóla og nýjum unglingaskóla í Vörðuskóla og koma með tillögur um framtíðarskipan skóla- og frístundastarfs í hverfunum. Starfshópurinn skili af sér eigi síðar en í lok mars 2021.

Greinargerð:

Um nokkurra ára skeið hefur verið ljóst að vegna viðvarandi fjölgunar nemenda er verulega farið að þrengja að í skóla- og frístundahúsnæði Austurbæjarskóla, Háteigsskóla og Hlíðaskóla. Þá er húsnæði Austurbæjarskóla þannig hannað að það hentar að sumu leyti illa nútíma skóla- og frístundastarfi og er takmörkunum háð að gera breytingar á því vegna friðunar húsnæðisins.

Þann 29. október 2020 samþykkti borgarráð kaup á Vörðuskóla. Í samþykkt borgarráðs segir:

Lagt er til að borgarráð samþykki kaup á húsnæði Vörðuskóla að Barónsstíg 34, sbr. meðfylgjandi bréf skrifstofustjóra eignaskrifstofu til borgarráðs, dags. 11. október sl. Skóla- og frístundasviði verði falið að gera tillögu að safnskóla á unglingastigi í samráði við nærliggjandi skóla, með hliðsjón af spám um þróun nemendafjölda til skemmri og lengri tíma og framtíðarsýn um spennandi skólastarf í nýrri menntastefnu borgarinnar. Nemendaspár og tímaáætlanir verði unnar með aðkomu umhverfis- og skipulagssviðs.

Þegar hefur farið fram töluverð rýni á húsnæði Háteigsskóla, Hlíðaskóla og Austurbæjarskóla vegna fjölgunar nemenda í skólunum og þrengsla í húsnæði. Tilkoma Vörðuskóla kallar á endurskoðun á þeirri vinnu sem þegar var hafin til að fá ferska sýn á stöðuna.

ERINDISBRÉF¹

Starfshópur um framtíðarstarf skóla- og frístundastarfs í Austurbæjarskóla, Háteigsskóla, Hlíðaskóla og Vörðuskóla.

Ábyrgðarmenn: Soffía Pálsdóttir, skrifstofustjóri frístundaskrifstofu og Soffía Vagnsdóttir, skrifstofustjóri grunnskólaskrifstofu.

Um nokkurra ára skeið hefur verið ljóst að vegna viðvarandi fjölgunar nemenda er verulega farið að þrengja að í skóla- og frístundahúsnæði Háteigsskóla, Hlíðaskóla og Austurbæjarskóla.

Þegar hefur farið fram töluverð rýni á húsnæði skólanna. Haustið 2020 eignaðist Reykjavíkurborg Vörðuskóla á Skólavörðuholti og var skóla- og frístundasviði falið að útfæra starfsemi fyrir unglingaskóla í húsnæðinu. Þessi staða kallar á endurskoðun á þeirri vinnu sem þegar var hafin til að fá ferska sýn á stöðuna.

Á fundi skóla- og frístundaráðs x.x 2021 var samþykkt að stofna starfshóp til að meta og útfæra tillögur um framkvæmd grunnskóla- og frístundastarfs í Austurbæjarskóla, Háteigsskóla, Hlíðaskóla og Vörðuskóla í ljósi aukningar nemendafjölda sem orðið hefur á einstökum starfsstöðvum á undanförunum árum.

Hlutverk:

Hlutverk hópsins er að leggja fram tillögu um skóla- og frístundastarf í ofangreindum skólahverfum til framtíðar með hagsmuni barna og unglinga að leiðarljósi.

Helstu verkefni:

- Að skoða tillögur, greiningargögn og ábendingar sem fram hafa komið í vinnu skóla- og frístundasviðs og umhverfis- og skipulagssviðs.
- Að hafa samráð við umhverfis- og skipulagssvið um skipulags- og samgöngumál í hverfunum.
- Að huga að og meta mótvægisaðgerðir í tengslum við þær tillögur sem hópurinn leggur fram.
- Að leggja fram útfærðar tillögur sem hafi það að markmiði að tryggja farselt og gott skóla- og frístundastarf í Austurbæjarskóla, Háteigsskóla, Hlíðaskóla og Vörðuskóla.

¹ Erindisbréf skulu gerð í samræmi við reglur Reykjavíkurborgar um starfs- og stýrihópa:
http://reykjavik.is/sites/default/files/reglur_reykjavikurborgar_um_starfs-_og_styrihopa.pdf

Starfshópurinn skipa:

Soffía Pálsdóttir, skrifstofustjóri frístundamála SFS
Soffía Vagnsdóttir, skrifstofustjóri grunnskólamála SFS
Hafdís Guðrún Hilmarsdóttir, verkefnisstjóri á grunnskólaskrifstofu SFS
Sigrún Sveinbjörnsdóttir, verkefnisstjóri á frístundaskrifstofu SFS
Kristín Jóhannesdóttir, skólastjóri Austurbæjarskóla
Berglind Stefánsdóttir, skólastjóri Hlíðaskóla
Arndís Steinþórsdóttir, skólastjóri Háteigsskóla
Fulltrúi USK
Guðrún Kaldal, framkvæmdastjóri frístundamiðstöðvarinnar Tjarnarinnar

Starfsmenn/verkefnisstjórar starfshópsins:

Hafdís Guðrún Hilmarsdóttir og Sigrún Sveinbjörnsdóttir.

Til ráðgjafar og samstarfs:

Starfshópurinn leiti einnig ráðgjafar innan og utan borgarkerfis hjá aðilum með sérþekkingu á viðfangsefninu ef svo ber undir.

Starfstími:

Hópurinn starfar til 31. mars 2021.

Reykjavík, janúar 2021

Helgi Grímsson sviðsstjóri